



Broj: 06-1-07-1-727/18
Sarajevo, 07.12.2018. godine

Na osnovu člana 2.9 stav (1) tačka 9, a u vezi sa članom 11.13 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13, 07/14 i 31/16) i članom 53. Uputstva o postupku provođenja posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br: 38/14, 90/16 i 8/17), Centralna izborna komisija Bosne i Hercegovine je na 94. sjednici, održanoj 07.12.2018. godine, donijela

O D L U K U

o utvrđivanju rezultata posrednih izbora i dodjeli mandata delegatima u Vijeću naroda Republike Srpske iz reda Ostalih

- (1) Centralna izborna komisija Bosne i Hercegovine utvrđuje rezultate posrednih izbora za Vijeće naroda Republike Srpske iz reda Ostalih, kako slijedi:
 - a) Kandidatska lista **ad-hoc člana Čudić Saše**, osvojila je **jedan (1) glas - jedan (1) mandat**,
 - b) Kandidatska lista **ad-hoc člana Radonjić Željka**, osvojila je **jedan (1) glas - jedan (1) mandat**,
 - c) Kandidatska lista **ad-hoc člana Kurtinović Dejana**, osvojila je **jedan (1) glas - jedan (1) mandat**.
 - d) Kandidatska lista **ad-hoc člana Deket Branka**, osvojila je **jedan (1) glas - jedan (1) mandat**
- (2) Centralna izborna komisija Bosne i Hercegovine dodjeljuje mandate u Vijeću naroda Republike Srpske delegatima iz reda Ostalih:
 - a) **Sošnja Franc**,
 - b) **Puhalić Danijel**,
 - c) **Čarkić Jovana**,
 - d) **Rikić Radenko**.

O b r a z l o ž e n j e

Narodna skupština Republike Srpske je dana 05.12.2018. godine Centralnoj izornoj komisiji Bosne i Hercegovine dostavila akt broj: 02/4.01-1-1965/18 od 05.12.2018. godine, te u prilogu istog cjelokupan izborni materijal u vezi sa provedenim posrednim izborima za Vijeće naroda Republike Srpske, koji čine: Izvještaj o izboru delegata u Vijeće naroda Republike Srpske iz reda Ostalih broj: 02/4.01-1-1962/18 od 05.12.2018. godine, birački spisak za izbor delegata iz reda Ostalih u Vijeće naroda Republike Srpske, Odluka o usvajanju izvještaja Komisije za izbor i imenovanja o izboru delegata u Vijeće naroda Republike Srpske iz reda

Ostalih broj: 02/1-021-1148/18 od 05.12.2018. godine i glasački listići sa izbora delegata u Vijeće naroda Republike Srpske iz reda Ostalih.

U skladu sa članom 11.10 stav (2) Izbornog zakona Bosne i Hercegovine, Vijeće naroda Republike Srpske sastoji se od 28 delegata, osam iz reda bošnjačkog, osam iz reda srpskog, osam iz reda hrvatskog i četiri iz reda Ostalih.

Odredbama člana 11.12 stav (4) Izbornog zakona BiH propisano je da svaki poslanik u Narodnoj skupštini Republike Srpske jednom glasa za listu unutar svog kluba delegata.

U skladu sa članom 11.13 Izbornog zakona BiH, nakon provedenog tajnog glasanja, izborni materijal i rezultati glasanja saopštavaju se Centralnoj izbornoj komisiji BiH u svrhu konačne dodjele mjesta.

Mandati se, jedan po jedan, raspodjeljuju na liste ili kandidatima sa najvećim količnicima koji proizlaze iz formule proporcionalne zastupljenosti predviđene u članu 9.5 Izbornog zakona BiH. Kada jedna lista osvoji mandat, taj mandat se dodjeljuje sa vrha liste.

Uvidom u dostavljeni materijal o provedenim posrednim izborima za Vijeće naroda Republike Srpske iz reda Ostalih, utvrđeno je da su, od četiri (4) poslanika koji su imali pravo glasa, sva četiri (4) poslanika ostvarila biračko pravo, od čega su četiri (4) važeća i nijedan nevažeći glasački listić, te da su rezultati sljedeći:

- a) Kandidatska lista **ad-hoc člana Čudić Saše**, osvojila je **jedan (1) glas**,
- b) Kandidatska lista **ad-hoc člana Radonjić Željka**, osvojila je **jedan (1) glas**,
- c) Kandidatska lista **ad-hoc člana Kurtinović Dejana**, osvojila je **jedan (1) glas**,
- d) Kandidatska lista **ad-hoc člana Deket Branka**, osvojila je **jedan (1) glas**.


Imajući u vidu da su ispunjeni svi zakonski uslovi za utvrđivanje rezultata izbora za delegate u Vijeću naroda Republike Srpske iz reda Ostalih, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 11.13 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Dostavljeno:

1. Narodna skupština Republike Srpske
2. a/a



Predsjednik

Branko Petrić